

TRIBINA „DR SULEJMAN MAŠOVIĆ“
PREDSTAVLJANJE NOVE KNJIGE
PROF. DR. SC. SEADA EF. SELJUBCA



Zahvaljujući agilnom ing. Dževadu Jogunčiću imali smo čast da, u sklopu najstarije Tribine u Zagrebu, Tribine „Dr. Sulejman Mašović“, prisustvujemo zagrebačkoj promociji knjige Seada ef. Seljubca – *Stazama dobrih i zahvalnih*.

Knjiga je zapravo zbirka Efendijinih hutbi, izrečenih posljednjih godina.

Stazama dobrih i zahvalnih vrlo su nadahnuto predstavili moderator ing. Jogunčić i sam autor.



Po onome što je izrečeno, pa i onome što nam je Jogunčić dostavio kao materijal, valja reći da su hutbe, znalački sabrane i poredane u knjizi, napisane mogli bismo reći jezikom pjesnika, što će reći izuzetno dosjetljivim moralizatorsko-pjesničkim prisposodobama. Naime, autor kao vrstan znalac Kur'ana služi se znanjem na način koji bi nam imao biti najbliži srcu, jer je njemu srce središnji ljudski organ; srce kao središte duše, što je malo dvojbeno, ali ako se uzme u obzir da mi sve poistovjećujemo sa srcem – zato i kažemo

mehko, dobro, nježno, tvrdo, zlo, nemilosrdno itd. srce – onda valja reći da ef. Seljubac unosi u naša srca dobrotu svoga *dobrog* i *zahvalnog* srca.

Prof. dr. sc. Sead ef. Seljubac sav je nekako tih i samozatajan. On sve što nosi u sebi, a to je ljubav prema islamu, pretvara u lijepu riječ, u dobrotu, u svjetlost, i gdjekad se čini da mu gotovo ni jedna riječ nije dovoljno lijepa, dobra i svijetla. Pa toj riječi, i tim riječima dodaje pregršt ukrasnih pridjeva, e ne bi li nas uvjerio da je Svjetlo Kur'ana, da je dobrota i ljepota Božje riječi, ono što svim našim životima daje smisao. I, mogu reći, nerijetko u tome uspijeva.



O knjizi Stazama dobrih i zahvalnih, nastavili smo razgovarati nakon održane tribine u prostorijama restorana Zagrebačkog islamskog središta. Bilo je to probrano društvo: muftija Ševko ef. Omerbašić, autor knjige S. Seljubac, Dž. Jogunčić, prof. dr. Sead Berberović, urednik našeg portala Abdulah ef. Imširović, i dva hafiza: mr. sc. Bajram ef. Ajeti i moj ljubimac Aziz ef. Alili, hodajući Kur'an kako volim uvijek naglasiti.



Drugoga dana, na džumi, prof. dr. sc. Sead ef. Seljubac počastio je zagrebačke džematlije svojom najnovijom hutbom, upravo govoreći o srcu kao središtu svih naših emocija koje u nas ugrađuju mudre kur'anske pouke Dobroga Alaha, riječi-staze kojima se krećemo mi *dobri* i *zahvalni*.